

40. Ad aquas fortes destillandas non adhibenda est Cinnabaris mineralis.
41. In Cinnabari nativa multa latent naturæ arca.
42. Aurum & argentum in se continent Cinnabaris mineralis.
43. Secretum maximum pigmentariorum est Cinnabaris nativa.
44. In portentosis ignium exitialium machinationibus miranda præstat Cinnabaris mineralis.
45. Ex Cinnabari nativa parari potest lapis Philosophorum.
46. Cinnabrium minerale longam promittit vitam.

C A P U T XXXVII.

Vsum Cinnabaris Mineralis, seu Minii Naturalis Mechanicum varium indicat.

IN elegantioribus parietum tectoriis Cinnabari, tempore *Dioscoridis*, usi sunt pictores; & hodie usum illius norunt, qui rubrum sanguinei coloris atramentum desiderant. Confer. *Guil. Goersee in arte illuminandi part. 6.* Cinnabrium prius parant siccum, absque ullo liquore molendo super lapidem porphyritem, deinde bis aut ter aquâ aspergunt, & super novos lateres extendunt, ut siccetur, tandem exigente occasione cum aqua gummata vel albumine ovi, vel lacte ficolneo, vel oleo nucum miscent, juxta opus, quod pingere cupiunt, hinc sive hoc, sive Minio utantur, miniatores dicti fuerunt.

Præterea Cinnabari Alchymistæ sternunt solem lunam & reliquos planetas terrestres , ut metalla perfecta & imperfecta ; quæ crucibulo clausa aut alio vase figurino in fornacibus urunt , ut in calcem convertantur , & suam formam penitus exuant , quam à Cinnabrio assumptam , & in eo repositam esse virtutem lapidis sui Philosophici opinantur .

Alii à Cinnabari Q̄riū elicere nituntur , illum à pre separantes , ut pristinæ formæ restituatur , & suam naturam mobilem , fluxilem , tersam , & absque fôrdibus mundam adipiscatur .

Qui corallia rubra mentiuntur , massam opificiū Cinnabrio tingunt . Vid . *Theophrast. Paracelsus in Manual. prim.* Et unguentis coloris causâ Cinnabaris & anchorusa adduntur . *Plinius hist. nat. lib. 13. cap. 1.*

Cera hodiè Cinnabrio inficitur , ut colorem rubrum acquirat , ad epistolas sigillandas , & ad alios etiam usus , ut docuit *Plinius* . Olim similem ceram appellabant miniatulam , quam præfertim adhibebant ad notandos in scripturis errores ; qua propter , ubi talis cera conspiciebatur , loca illa corrīgenda designabat . Hūc respexit *Cicero* , sic ad *Atticum* scribens : *ceras tuas miniatulas extimescebam* .

Tantâ fuit æstimatione Minium apud antiquos , ut illo simulachra Deorum tingerent ; hujus testem habemus *Plinium hist. nat. lib. 33. cap. 7.* qui faciem simulachri *Iovis* diebus festis Minio illini solitam retulit ; imò & triumphantium corpora ; idcirco *Camillum* sic triumphasse , & additum unguentis cœnæ triumphalis , & à Censoribus etiam *Iovem* miniandum locari scripsit . His addimus , quod apud populos *Aethiopicos* proceres illo tingebantur , &

ibi quoque Deorum simulacris talis color addebatur. Pariter Alexander ab Alexandro lib. I. cap. 20. *Aethiopes præliaturos dimidiam corporis sui partem Minio, & dimidiam gypso inficere solitos esse scribit.* In celebritate festorum *Bacchi* ejus simulachrum Minio fuisse mangonizatum pronunciat *Pausanias in Achaicis.* Et *Panis* simulacrum Minio sanguineisque ebuli baccis rubuisse asserit *Virgilius, Eclog. 10.* sic canens:

*Pan Deus Arcadiæ venit; quem vidimus ipsi
Sanguineis ebuli baccis Minioque rubentem.*

Hinc fortasse nobiles *Italorum* matronæ fucum ex Minio vel Cinnabari, sibi comparantes, ad augendam majestatem faciem illinunt, ut coloratores & rubicundiores viris suis appareant; rubedinem enim vultus pulchritudini summæ *Itali* adscribunt. Minio corpora tinxerunt etiam *Maxyes in Africa* & rustici in *Latio* sacra *Bacchi* celebrantes.

In tam singulari honore apud priscos erat hoc pigmenti genus, ut teste *Cantacuzeno* juramenta Imperatorum Minio subscriberentur.

Similiter notæ illæ librorum fuerunt miniatulæ, quas paragraphos, coronides & asteriscos suis non inibus appellarunt Poëtarum interpretes, ut in antiquo *Pindari* exemplari animadvertisimus. Quin imò librorum tituli hoc præcipuo honore affiebantur, ut Minio decorarentur. Quocirca *Ovidius* alloquens suum *libellum tristium* alloquiorum eum Minio indignum reputavit, dum hunc in modum cecinit:

Nec titulus Minio, nec cedro charta notetur.

Olim etiam legum tituli & primæ literulæ rubricâ vel potius Minio pingebantur; unde *Juvenalis Satyr. 14.* majorum leges rubras appellavit:

*Per leges rubras majorum leges.
Et Persius Satyr. 5. ita cecinit:
Excepto si quid Masuri Rubrica vetavit.
Atque indè titulos librorum dictos volunt, nimirum à tutuli similitudine. Est autem tutulus *Festo* flaminecarum capitis ornamentum, extructum in altitudinem, quod fit vittâ purpureâ crinibus innexâ; hinc *Martialis*:*

*Rasum pumice, purpuraque cultum.
Miniatores ideò dicuntur, qui librorum inscriptio-
nes & capita Minio ornant. Vid. Mag. cap. 14. lib. I.
Sim. Schardius in Lexic. juridic. ad voc. Rubric.*

Minium quoque in scriptura voluminum antiquorum juxta *Plinii* sententiam usurpabatur, clariioresque literas, vel in auro, vel in marmore, vel etiam in sepulchris reddebat. Minio & chrysocollâ solùm sterni mandavit *Caligula*, ut scribit *Ioh. Rosinus Antiq. Roman.* lib. 5. cap. 4. ex *Suetonio in Caligula*.

C A P U T XXXVIII.

*Ex Minera Cinnabaris posse parari Lapidem Phi-
losophorum afferit.*

EX $\text{\textcircled{M}}$ ercurio & $\text{\textcircled{F}}$ ere simul mixtis constare Lapidem Philosophorum docuerunt cum *Paracelso* Chymicorum & Alchemistarum præstantissimi, ut *Gerhardus Dorneus* in lib. de transmutat. metallor. *Laur. Ventura de Lapid. Phil. cap. 7. 10. 11. & 29. Da-
vid Lagneus Harmon. Chymic. cap. 1. & 3.* nec non *Philosophus* quidam *Anonymus* *Introduct. de Arbore Solari* cap. 5. In eo Mercurius est materia, & $\text{\textcircled{F}}$ ur est for-